



**KEMENTERIAN EKONOMI
JABATAN PERANGKAAN MALAYSIA**

**KENYATAAN MEDIA
INDEKS HARGA PENGGUNA, MALAYSIA
JUN 2023**

**Inflasi Malaysia pada Jun 2023 mereda kepada 2.4 peratus,
terendah dalam enam bulan pertama 2023**

PUTRAJAYA, 24 Julai 2023 – Inflasi Malaysia pada Jun 2023 mereda kepada 2.4 peratus, terendah dalam enam bulan pertama 2023 dengan mata indeks mencatatkan 130.4 berbanding 127.4 pada bulan yang sama tahun sebelumnya. Jabatan Perangkaan Malaysia (DOSM) melaporkan hari ini mengenai keluaran **INDEKS HARGA PENGGUNA (IHP), JUN 2023**.

Ketua Perangkawan Malaysia, Dato' Sri Dr. Mohd Uzir Mahidin berkata, peningkatan perlahan inflasi di Malaysia didorong oleh peningkatan lebih rendah bagi kumpulan Restoran & Hotel 5.4 peratus (Mei 2023: 6.7%); Makanan & Minuman Bukan Alkohol, 4.7 peratus (Mei 2023: 5.9%) dan Hiasan, Perkakasan & Penyelenggaraan Isi Rumah, 2.3 peratus (Mei 2023: 2.7%). Selain itu, kenaikan inflasi di Malaysia pada Jun 2023 turut didorong oleh peningkatan bagi kumpulan Pelbagai Barangan & Perkhidmatan (2.6%); Kesihatan (2.0%) dan Pendidikan (1.9%). Perumahan, Air, Elektrik, Gas & Bahan Api Lain dan Perkhidmatan Rekreasi & Kebudayaan pula masing-masing meningkat 1.8 peratus dan 1.6 peratus. Ini diikuti oleh Minuman Alkohol & Tembakau (0.6%) dan Pakaian & Kasut (0.1%).

Kumpulan Makanan & Minuman Bukan Alkohol menyumbang 29.5 peratus daripada keseluruhan wajaran IHP telah merekodkan peningkatan sederhana iaitu 4.7 peratus (Mei 2023: 5.9%). Komponen Makanan di rumah merekodkan peningkatan lebih rendah untuk empat bulan berturut-turut kepada 3.2 peratus pada Jun 2023

berbanding 4.3 peratus yang direkodkan bulan sebelumnya. Manakala, bagi komponen Makanan di luar rumah mereda kepada 6.8 peratus berbanding 8.1 peratus yang direkodkan pada Mei 2023. Kenaikan komponen Makan di rumah adalah didorong terutamanya oleh subkumpulan Susu, keju & telur (6.0%); Beras, roti & bijirin lain (5.3%); Daging (5.2%); Gula, jem, madu, coklat & manisan (3.6%); kedua-dua subkumpulan Buah-buahan dan Ikan & makanan laut masing-masing meningkat sebanyak 2.9 peratus dan 1.6 peratus. Selain itu, Sayur-sayuran dan Minyak & lemak masing-masing terus menurun kepada negatif 1.6 peratus dan negatif 0.9 peratus.

Subkumpulan Daging yang merangkumi Daging ayam, Daging lembu, Daging babi, Daging kambing, Daging kerbau dan Daging itik mencatatkan peningkatan 5.2 peratus pada bulan Jun 2023 (Mei 2023: 7.8%). Ayam mereda 2.6 peratus berbanding 6.7 peratus pada bulan Mei 2023. Purata harga ayam standard di Semenanjung Malaysia meningkat sedikit kepada RM9.93 sekilogram pada bulan Jun 2023 berbanding RM9.61 sekilogram pada bulan Jun 2022, lebih tinggi daripada harga siling yang ditetapkan iaitu RM9.40 sekilogram. Sementara itu, purata harga ayam standard Malaysia meningkat kepada RM10.54 sekilogram berbanding RM10.02 sekilogram pada bulan Jun 2022 (Mei 2023: RM10.45). Peningkatan pada subkumpulan ini turut didorong oleh peningkatan Daging babi (24.6%) dan Daging itik (6.7%).

Selain itu, subkumpulan Susu, keju & telur mencatatkan peningkatan lebih rendah kepada 6.0 peratus pada Jun 2023 berbanding Mei 2023 (6.5%). Kelas perbelanjaan Susu tepung & keluaran susu lain yang menyumbang 51.4 peratus wajaran kepada subkumpulan ini, meningkat lebih perlahan kepada 6.2 peratus berbanding Mei 2023 (6.4%). Namun begitu, Susu tepung bayi (10.1%) (Mei 2023: 9.5%) dan Telur ayam (4.1%) (Mei 2023: 4.0%) meningkat pada kadar lebih tinggi pada bulan Jun 2023. Subkumpulan Beras, Roti & Bijirin lain juga meningkat pada kadar perlahan iaitu sebanyak 5.3 peratus pada bulan Jun 2023 (Mei 2023: 6.0%). Ini antaranya disumbangkan oleh tepung gandum yang telah meningkat perlahan sebanyak 8.1 peratus berbanding peningkatan dua digit yang dicatatkan pada bulan Mei 2023 (15.3%). Antara produk makanan berasaskan tepung yang telah mencatatkan peningkatan yang lebih rendah adalah Mi basah dan Roti putih.

Subkumpulan Minyak & lemak terus mencatatkan penurunan bagi tiga bulan berturut-turut iaitu negatif 0.9 peratus pada bulan Jun 2023 (Mei 2023: -0.4%). Ini terutamanya disumbangkan oleh harga runcit maksimum minyak masak kemasan botol yang dikekalkan bagi satu hingga lima kilogram sejak November 2022. Inflasi bagi subkumpulan Sayur-sayuran merekodkan penurunan pada bulan Jun 2023 iaitu negatif 1.6 peratus berbanding negatif 1.1 peratus pada bulan Mei 2023. Manakala, perbandingan secara bulan ke bulan ianya merekodkan peningkatan marginal kepada 0.1 peratus berbanding 0.7 peratus pada Mei 2023. Keadaan cuaca yang lebih baik dan peningkatan pengeluaran tempatan menjadi punca penurunan harga sayur-sayuran. Pada asas bulanan, antara sayur-sayuran yang mencatatkan penurunan adalah Bayam hijau, Kangkung dan Kailan.

Inflasi Pengangkutan bagi Jun 2023, kekal tidak berubah berbanding Jun 2022. Subkumpulan Perkhidmatan pengangkutan dan Pembelian kenderaan masing-masing meningkat sebanyak 5.2 peratus dan 1.9 peratus. Namun begitu, penurunan inflasi subkumpulan Pengurusan alat pengangkutan persendirian sebanyak negatif 0.6 peratus, sedikit sebanyak telah mengimbangi inflasi kumpulan ini dari meningkat. Penurunan subkumpulan Pengurusan alat pengangkutan persendirian disumbangkan oleh penurunan kelas perbelanjaan Bahan api & pelincir untuk pengangkutan persendirian kepada negatif 3.8 peratus berbanding negatif 2.4 peratus pada Mei 2023. Selain itu, penurunan harga minyak Petrol tanpa plumbum RON97 kepada negatif 29.4 peratus pada bulan Jun 2023 (RM3.37 seliter) berbanding Jun 2022 (RM4.77 seliter) turut menyumbang kepada penurunan kelas perbelanjaan ini.

Ketua Perangkawan Malaysia, Dato' Sri Dr. Mohd Uzir Mahidin turut berkata, bagi inflasi di peringkat negeri, sepuluh negeri merekodkan peningkatan di bawah paras nasional 2.4 peratus dengan Wilayah Persekutuan Labuan merekodkan peningkatan paling rendah sebanyak 1.2 peratus pada Jun 2023. Walau bagaimanapun, hanya enam negeri merekodkan peningkatan melebihi paras inflasi nasional iaitu Sarawak (3.0%), Pahang (2.9%), Wilayah Persekutuan Putrajaya (2.8%), Selangor (2.7%), Perak (2.7%) dan Melaka (2.7%). Kesemua negeri mencatatkan peningkatan inflasi Makanan & Minuman Bukan Alkohol. Peningkatan tertinggi dicatatkan oleh Wilayah Persekutuan Putrajaya (7.1%) diikuti oleh

Sarawak (6.4%), Selangor (6.1%), Pahang (5.4%) dan Melaka (5.0%). Sementara itu, negeri-negeri lain menunjukkan peningkatan di bawah paras inflasi Makanan & Minuman Bukan Alkohol nasional iaitu 4.7 peratus pada Jun 2023.

Inflasi teras mengukur perubahan harga barang dan perkhidmatan yang tidak termasuk item makanan segar yang tidak menentu dari segi harga serta barang dan perkhidmatan yang tertakluk dengan kawalan harga dari kerajaan meningkat 3.1 peratus (Mei 2023: 3.5%). Kenaikan ini didorong terutamanya oleh peningkatan perlahan kumpulan Makanan & Minuman Bukan Alkohol yang mencatatkan kenaikan 6.0 peratus (Mei 2023: 7.1%) dan Restoran & Hotel (5.4%) (Mei 2023: 6.7%). Sementara itu, inflasi bagi kumpulan pendapatan bawah RM3,000, meningkat 2.7 peratus (Mei 2023: 3.1%). Peningkatan ini disumbangkan oleh kumpulan Makanan & Minuman Bukan Alkohol sebanyak 4.1 peratus dan terutamanya direkodkan oleh subkumpulan Daging (5.5%), diikuti oleh Susu, keju & telur (5.4%) dan Beras, roti & bijirin lain (4.7%).

Inflasi keseluruhan secara bulanan pada Jun 2023 meningkat 0.2 peratus berkadaran sama seperti direkodkan pada Mei 2023. Ini disumbangkan terutamanya oleh Perkhidmatan Rekreasi & Kebudayaan (0.3%), Kesihatan (0.2%) dan Pengangkutan (0.2%). Sementara itu, inflasi bagi suku tahun kedua 2023 meningkat 2.8 peratus kepada 130.2 berbanding 126.6 pada suku tahun yang sama tahun sebelumnya. Bagi perbandingan suku tahunan pula, inflasi meningkat 0.4 peratus berbanding pada suku tahun pertama 2023.

Bagi perbandingan dengan inflasi negara lain, inflasi Zon Euro meningkat perlahan kepada 5.5 peratus pada Jun 2023 berbanding 6.1 peratus pada bulan sebelumnya, manakala inflasi di Amerika Syarikat mereda kepada 3.0 peratus pada Jun 2023 berbanding Mei 2023 (4.0%). Bagi perbandingan dengan negara-negara terpilih di rantau Asia Pasifik, kadar inflasi di Malaysia (2.4%) adalah lebih rendah berbanding inflasi di Republik Korea, Indonesia dan Filipina.

DOSM sedang menjalankan Banci Ekonomi pada tahun 2023. DOSM amat menghargai kerjasama daripada responden dalam memberikan maklumat kepada

Embargo: Hanya boleh diterbitkan atau disebarkan mulai jam **1200, Isnin, 24 Julai 2023**

DOSM serta menjayakan banci ini. Sila layari www.dosm.gov.my untuk maklumat lanjut.

DOSM telah melancarkan OpenDOSM NextGen sebagai medium yang menyediakan katalog data dan visualisasi bagi memudahkan pengguna menganalisis pelbagai data. OpenDOSM NextGen ialah platform perkongsian data sumber terbuka dan boleh diakses melalui portal <https://open.dosm.gov.my> .

Dimaklumkan bahawa Kerajaan Malaysia telah mengisytiharkan Hari Statistik Negara (MyStats Day) pada 20 Oktober setiap tahun. Tema sambutan MyStats Day adalah “*Connecting the World with Data We Can Trust*”.


Dikeluarkan oleh:

**PEJABAT KETUA PERANGKAWAN
JABATAN PERANGKAAN MALAYSIA
24 JULAI 2023**

Embargo: Hanya boleh diterbitkan atau disebarkan mulai jam 1200, Isnin, 24 Julai 2023

Carta 1


Inflasi Keseluruhan Malaysia, Januari 2011 – Jun 2023



Nota: *Purata inflasi bagi tempoh Januari 2011 hingga Jun 2023


Carta 2

Inflasi Keseluruhan Malaysia, Inflasi Teras dan Inflasi Tanpa Bahan Api, Jun 2022 – Jun 2023




Carta 3

Inflasi bagi Kumpulan Pendapatan Bawah RM3,000, Jun 2020 – Jun 2023




Carta 4

Inflasi mengikut Kuadran, Mei 2023 & Jun 2023



Carta 5


Taburan Inflasi Makanan dan Bukan Makanan yang Meningkat $\leq 10\%$, Mei 2023 & Jun 2023



Embargo: Hanya boleh diterbitkan atau disebarikan mulai jam 1200, Isnin, 24 Julai 2023


Carta 6

Inflasi Makanan Terpilih bagi Kumpulan Pendapatan Bawah RM3,000, Jun 2021 – Jun 2023



Carta 7


Purata Harga Petrol Tanpa Plumbum RON95, Petrol Tanpa Plumbum RON97 dan Diesel, Jun 2022 – Jun 2023



Embargo: Hanya boleh diterbitkan atau disebarkan mulai jam 1200, Isnin, 24 Julai 2023


Carta 8

Inflasi mengikut Kumpulan Utama, Mei 2023 & Jun 2023




Carta 9

Inflasi bagi Makanan & Minuman Bukan Alkohol, Jun 2020 – Jun 2023




Carta 10

Inflasi mengikut Negeri, Mei 2023 & Jun 2023



Carta 11


Inflasi bagi Negara Terpilih, Jun 2021 – Jun 2023




Carta 12

Harga Komoditi Terpilih Global


Minyak Mentah (US\$/bbl)




Gas Asli (Indeks 2010=100)




Jagung (US\$/mt)




Minyak Sawit Mentah (US\$/mt)




Daging (US\$/kg)




Daging Ayam (US\$/kg)




Kacang Soya (US\$/mt)




Gandum (US\$/mt)



Gula (US\$/kg)



Minyak Kelapa (US\$/mt)



■ Harga komoditi dunia (AS\$) — Peratus perubahan tahun ke tahun

Sumber: Commodity Monthly Prices, World Bank

Nota:

Bbl : Brazilian Butt Lift (barrel) (1bbl = 159 litres)

Mt : Million Tonne

Mmbtu : Metric Million British Thermal Unit